



Ulloq/Dato: 12. september 2013
J.nr.: 01.31.11-00013

Aningaasaqarnermut Nunamullu Namminermt
Naalakkersuisoq
-/ Maani

Naalakkersuisut 2014-imut aningaasanut inatsisissatut siunnersuutaat

1. Aallarniut

2014-imut aningaasanut inatsisissatut siunnersuummut Aningaasaqarnermut Ataatsimiititaliap aallarniutitut apeqqutai oqaaseqaataalu matumuuna nassiunneqarput. Apeqqutitut aallaaviuvoq ataatsimiititaliap Narsarsuarmi 2013-imi augustimi missingersuutit pillugit isumasioqatigiinnerani aningaasanut inatsisissatut siunnersuummik tamakkiisumik Aningaasaqarnermut Ataatsimiititaliap misissuina.

2. Oqaasertaliussat

Oqaasertaliussat ataatsimut isigalugu annikillisaaffigineqarnerat ikilisarneqarnerallu Naalakkersuisut ingerlateqqinniarmassuk Aningaasaqarnermut Ataatsimiititaliamit maluginiarneqarpoq. Tamanna Aningaasaqarnermut Ataatsimiititaliamit iluarisimaarneqarpoq, tassami inatsisitigut allannguinerit ataavartut nalinginnaasulluunniit oqaasertaliussakkut pisariaqanngimmata.

2.1. Suliassa qarfirmut 10-89-imut Naalakkersuisut

- a. Suliassa qarfirmut 10-89-imut oqaasertaliussaq nr. 4: "Aningaasaqarnermut Akileraartarnermullu Ataatsimiititaliamit tamatuma kingorna akuersissutigineqareerlutik" isumaqanngilaq. Ataatsimiititaliap isumaa malillugu Naalakkersuisut, Aningaasaqarnermut Ataatsimiititaliap akuersineratigut, kontot pingaernerit akornanni nuussinissamut piginnaatinneqarsinnaapput imaluunniit oqaasertaliussamik atuineq pillugu Aningaasaqarnermut Akileraartarnermullu Ataatsimiititaliamut tamatuma kingorna ilisimatitsissuteqartussanngorlugit Naalakkersuisut taama piginnaatitsissummik tunineqarsinnaapput.
- b. Oqaasertaliussaq nr. 5-imut qupperneq 20-imi nassuiaatit. Oqaaseqatigiinni kingullerni allassimavoq oqaasertaliussat utertinneqassasut, tassa siusinnerusukkut inissiinermi Namminersorlutik Oqartussat nalilinnik aamma pigisaqarmata suliassa qarfiup 00-ip iluani ator neqartartunik. Suliassa qarfik 00 sunik imaqarpa?

2.2. Konto pingaarnermut 20.12.12-imut Aningaaseriveqartitsineq

2013-imi aningaasanut inatsimmi oqaasertaliussaq, nunatsinni piffinni aningaaseriveqarnerup aningaasanillu pilersuinerup imminut akilersinnaasumik ingerlatsiviusinnaanngitsuni tamatuminna qulakkeerinnittumik ukiunut arlalinnut atuuttussanik isumaqatigiissuteqarnissamut Naalakkersuisunut piginnaatitsisoq, peerneqarsimavoq. Tamatumunnga suna tunngaviua?

2.3. Konto pingaarnermut 20.30.01-imut Aningaasaqarnermut Sulisoqarnermullu Aqutsisoqarfik, ASA, allaffissor neq

Allaffissor nikkut suliassanik nussuilluni sulineq maanna ukiuni pingasuni ingerlanneqarpoq.

Sulineq taanna sumut killippa?

2.4. Konto pingaarnermut 35.02.02-mut Umiarsualivinnik aserfallatsaaliineq

Aalajangersakkamik suleqatinik avataaneersunik isumaqatigiissuteqarnissamut Naalakkersuisunut piginnaatitsisumik oqaasertaliussaq ilaneqarsimavoq. Suliassat suut isumaqatigiissuteqarfigis-sallugit Naalakkersuisunit eqqarsaatigineqarpat?

2.5. Konto pingaarnermut 40.10.12-imut Efterskole

2013-imi aningaasanut inatsit naapertorlugu oqaasertaliussaq peerneqartussaagaluarpoq, UKA 12/96-imi malillugu nalunaarutikkut maleruagassiornissamut Naalakkersuisut piginnaatinneqar-mata. Suliaq taanna sumut killippa?

2.6. Konto pingaarnermut 40.96.01-imut Ilisimatusarneq

- a. KVUG-p 1. januar 2013-imi atorunnaarsinneqarnera aammalu ilisimatusarnermut siunner-suisoqatigiinnik ataavartumik 1. januar 2014-imi pilersitsinissaq eqqarsaatigigaanni oqaaser-taliussaq taanna pisariaqarpa?
- b. Inatsisitigut tunngavissat UKA 2013-imi inissereernejariarpatata allannguutissatut siunner-suuteqartoqarnissaa ataatsimiititaliamit naatsorsuutigineqassava?

2.7. Konto pingaarnermut 50.01.20-mut Aalisarneq piniarnerlu

Angusassat pillugit isumaqatigiissuteqarnermi Aningaasaqarnermut Akileraartarnermullu Ataatsi-miititaliap ilisimatinneqartarnissaa ilannguteqqullugu Naalakkersuisut ataatsimiititaliamit qinnui-gineqarput.

2.8. Konto pingaarnermut 73.94.02-mut Nukissiorfiit

- a. Pisariillisaanermi suliniutit nr. 3-mi taaneqartut piffissami sivisuumi ingerlanneqarmata illuutit pineqartut pillugit naatsumik nassuiaat ataatsimiititaliamit kissaatigineqarpoq.
- b. Illuutit taakku ilaat sorliit manna tikillugu tunineqarsimappat imaluunniit allanngor-titerneqarsimappat aammalu sorliit sulit tunineqanngillat?

3. Nalinginnaasumik nassuiaatit

Allamik allassimasoqartinnagu quppernertut innersuussutit danskisuaanut innersuussutaapput.

3.1. immikkoortoq 2, Aningaasaqarnikkut politikimi Naalakkersuisut anguniagaat tunngavissaallu, qupperneq 76

Aningaasaqarnikkut politikimi qanittumut anguniakkat ilaat unaasoq allassimavoq ”Aningaasanut inatsit ukiumi aningaasanut inatsiseqarfiusumi ukiumilu missingersuusiorfiusumi ataatsimut isiga-lugu IS-imik oqimaqatigiissaarfiusoq”. Tamanna qanorpiaq imaqarpa aammalu pisortat aningaa-sartuutaasa qanoq annertussuseqarnissaat nunatsinnut naleqquttutut isigineqarpa?

3.2, immikkoortoq 2.1, AIS 2014-ip aamma naalackersuisooqatigiinnissamik isumaqatigiisummi anguniakkat pingaarutillit ataqatigiissinnerat, qupperneq 76

- a. Iluarsaaqqinnermik suliniutit sorliit Akileraartarneq Atugarissarnerlu pillugit Isumalioqatigiissitap kaammattuutai aallaavigalugit ingerlanneqarnissaat kissaatigineqarnersoq pillugu aammalu taakku aningaasanut inatsimmut qanoq sunnuteqarnissaannik qulaajaanissamut Naalackersuisut isummernissaminnut periarfissaqarsimangitsut ammalortumi siullermi allassimavoq. Tamatumalu peqatigisaanik kapitali tassani qulequttap "Iluarsartuusseqqinneq", qup. 77, ataani allassimalluni Naalackersuisut AIS 2014-imik suliaqarnerminni Akileraartarneq Atugarissarnerlu pillugit Isumalioqatigiissitamit kaammattuutit toqqamavigigaat. Imminut assortuuttumik taama oqarneq nassuiaatissartaqarpa?
- b. Iluarsaaqqinnissat qup. 77-imi tulleriiaarneqartut pillugit pingaarnertut anguniagassat sutigut sukateriffigineqassanersut imaluunniit qasukkartinneqassanersut Naalackersuisut paasissutissiissutigisinnaavaat aammalu taakku, assersuutigalugu soraarnerussutisiaqalersinnaanermut ukioqassutsip agguaqatigiissillugu inuuneqqortussutsimut naleqqussarnissaanut, qanoq kinguneqassappat?

3.3, immikkoortoq 3.1, Ingerlatsinermi suliniutit nutaat, qupperneq 78

Ernianut aningaasartuutunik tamakkiisumik ilanngaassuteqarsinnaatitaaneq 2014-imit atuutilerseqqinneqassasoq titarnertaat aappaanni allassimavoq. Nunatta Karsianut 12 mio. kr.-erluinnarnik aningaasartuutaanerusussaq taanna qanoq aningaasalersorneqassava?

3.4, immikkoortoq 3.2, Sipaarutit isertitaqarnernerlu, qupperneq 79

Naalackersuisut kontomi pingaarnermi 20.11.56-imi, allaffissornermi missingersuutunik iluarsinermut tunngasumi, pisiortortarnermi sipaaruteqarnerup kinguneranik sipaarutit 2014-imi 9 mio. kr.-it, 2017-imi 17 mio. kr.-inngortussat ilanngukkaat titarnertaami siullermi allassimavoq. Naalackersuisut allapput Qitiusumik Pisiortortarfiup pisiortorneq pillugu isumaqatigiissusiaasa atornissaannut tunngatillugu immikkoortortaqarfiit ingerlatsiviillu taakku ataanniittut imminnut annertuumik aqunnissaat tassunga atatillugu pingaartuusooq. Ilinniartunut inissaqartitsinissamik pilersuisut piumasaaqarfigineqartarnissaat pisiortornermut politikimi nutaatut qulakkeerneqassasoq aningaasagarnikkut ingerlatsineq pillugu 2013-imi nalunaarummi allassimavoq. Tamatuma saniatigut pisortat pisiortorneranni inuuniarnikkut attanneqarsinnaasumik ingerlatsisoqarsinnaaqullugu pilersuisut CSR-politikeqarnissaat pisiortornermut politikimi pingaartinneqarpoq.

- a. Immikkoortortat ataasiakkaat aningaasaqarnikkut namminneq iliuuseqarsinnaassusiat pisussaaffeqarneralluunniit taamatullu najukkami pilersuisut qitiusumik allaffeqarfiup piumasaaqatigisaanik eqquutsitsisinnaanerat eqqarsaatigalugu aaqqissuussinerup atorneqarnissaanik piumasaaqarneq qanoq kinguneqassanersooq paasissutissiissutigineqassasoq ataatsimiititaliamit kissatigineqarpoq.

Konto pingaarnermi 20.10.22-mi, isertitat allanut tunngasumi, isertitassat 90 mio. kr.-inik amerlineqartut, taakkulu tassaasut Qinngutsinni inissianik tunisinermit iluanaarutissatut naatsorsuutigisat qupperneq 80-imi allassimavoq.

- b. Suloqqami inissianik tunisinermit iluanaarutissatut naatsorsuutigisat isumalluarpallaartumik annertussusilerneqarsimasut ataatsimiititaliaq nalinginnaasumik isumaqarpoq. Inissiat tigu-

- nissaannut attartortut qanoq soqutiginnitsiginersut Naalackersuisunit misissorneqarsimava?
- c. Inuussutissarsiortut nalunaatsunik atugassaqartinneqarnissaannik Naalackersuisut oqarnerat ataatsimiititaliamit isumaqatigineqarpoq. Niuerfinni akit peqassutsimik piumaneqassut-simillu aalajangerneqartarput. Taamaattumillu inissianik taama amerlatigisunik tunisinis-samik Naalackersuisut pilersaarutaat niuerfinni akinut malunnaatilimmik sunniuteqassasoq naatsorsuutigineqartariaqarpoq. Niuerfimmi tuniniaasup nutaap taama angitigisup taama iliuuseqarnera inuussutissarsiortunit, aningaasalersuisartunit aammalu illunik niuerfimmit qanoq qisuariarfigineqartussat Naalackersuisunit naatsorsuutigineqarpa?
 - d. Inissianik Naalackersuisut tuniniaaner at inissianik piginnittut peqatigiiffiisa aaqqissuussaa-nerannut sunniuteqassava?
 - e. Inissianik taamaattunik allanik tuniniaanissamik Naalackersuisut pilersaaruteqarpat?
 - f. Washington D.C.-mi Kalaallit Nunaata sinniisoqarfianik pilersitsineq ICC-mut aningaasa-liissutitut qanoq attuumassuteqarnerasoq ataatsimiititaliamit paaserusunneqarpoq.
 - g. Akileraartarnermut akitsuusiisarnermullu tunngasuni, ilaatigut konto pingaarnermi 24.11.12-imi, raajanut akitsuutitut tunngasumi, isertitaqarnerussutissatut siunnersuutit ilanngun-neqarsimapput. Akitsuutinik qaffaanerup aalisarnermik inuussutissarsiummut sunniutissai misissuiffiqeqqissaarneqarsimappat?

3.5, immikkoortoq 3.3, Sanaartorneq, qupperneq 80

- a. Nuup avataani sanaartornerup annertusineqarnissaa inissiallu pinnagit paaqqinnittarfiit amerlanerusut sanaartorneqarnissaat Naalackersuisunit pingaartinneqartoq titarnertaaq siul-lermi allassimavoq. Taakku kommuninut sisamanut procentinngorlugit agguataarsimanerat ataatsimiititaliamit ujartorneqarpoq.

Pisortat sanaartornerannut atatillugu amerlanerusunik ilinniartoqalernissaq qulakkeerniarlugu suliniutit 2013-ip ingerlanerani aallartinneqassasut Naalackersuisut qupperneq 82-imi allapput.

- b. Suliniutit suut Naalackersuisunit eqqarsaatigineqarpat?
- c. Illuutini aserfallatsaaliinissamik ajornartorsiut angeqisoq Naalackersuisut pilersaarutaanni qanoq ilaatinneqarpa?
- d. Namminersorlutik Oqartussat sanaartornerannut tunngatillugu ataqatigiissaarilluarnernu-nissamut inassuteqaateqartussamik allaffissornikkut sulineq aallartinneqartoq, tassungalu ilanngullugu kommuninik suleqateqarneq nukittorsarneqassasoq qupperneq 82-imi allassimavoq. Tamatuma itisilerneqarnissaa ataatsimiititaliamit kissaatigineqarpoq.

3.6, immikkoortoq 4.3, Inuussutissarsiutit ineriartorfiusut, qupperneq 85

Aatsitassat uulialu pillugit periusissiaq piffissamut 2014-2019 atuuttussanngorlugi nutarterne-qassasoq allassimavoq.

- a. Taanna Naalackersuisunit qaqugu saqqummiunneqassava aammalu Inatsisartunut saqqum-miunneqassava?
- b. ALCOA-mik suliniut sumut killippa?

3.7, immikkoortoq 4.4, Aalisarneq, piniarneq nunalerinerlu, qupperneq 87

Nungusaataanngitsumik atuneq tunngavigalugu aalisarnerup inuiaqatigiit aningaasaqarneranni

annertunerpaamik pissarsissutigineqarnissaa aalisarnermi pingaarnertut anguniagaasoq allassimavoq.

- a. Taama oqarnerminni Naalakkersuisut suna pivaat?

Kalaalimineerniarfinni periarfissat annertusarneqarnissaannik Naalakkersuisut anguniagaat pillugit immikkoortumi allassimavoq aalisartut piniartullu tunisassiassanik tuneqqitassanik pilersuisutut akuersissuteqartinneqartalissasut.

- b. Nunalerinermi assersuutigalugu naatitanik tunisassiornermi aamma tamanna isumaliutiginearpa?

3.8, immikkoortoq 4.5, Suliffissaqartitsinermut, piginnaasanik annertusaanermut nooriataarsinnaanermullu pilersaarut, qupperneq 89

- a. Piukkunnartut pillugit immikkoortumi allassimavoq taanna suliffeqarnermi suliniuteqavinnermi tapersiisoq.
- b. Tamatuma kingorna suliffissaaleqisut ilaat qanoq amerlatigisut suliffittaarsinnaasutut Naalakkersuisunit naatsorsuutigineqarnersut ataatsimiititaliamit paaserusunneqarpoq. Taamatutaaq avataanit suliarortut nunaqavissunit taarserneqarnerannik taamatut sulineq peqataaqaataanasut Naalakkersuisunit naatsorsuutigineqarnersooq ataatsimiititaliamit paaserusunneqarpoq.

3.9, immikkoortoq 4.6, Nunaqarfiit avinngarusimanerusullu ineriartortinneqarnissaannut pilersaarut, qupperneq 90

Suliaq taanna kommuninik qanimut suleqateqarluni ingerlanneqarnersooq ataatsimiititaliamit paaserusunneqarpoq, saneqqunneqarsinnaanngimmammi taakku nunaqarfinni isorliunerusunilu ineriartortitsinissamut pisariaqartitsineq qaninnerugaat.

3.10, immikkoortoq 4.7, Peqqissutsimut periusissiaq, qupperneq 91

Pisariillisaanissat nassaarinarlugit peqqinnissaqarfik suliuartoq allassimavoq. Peqqinnissaqarfiup pisariillisaanarluni suliuarnera ataatsimiititaliamit nuannaarutigineqarpoq.

- a. Taamatut sulinermi sipaarutissatut anguniagassanik aalajangersaasoqarsimanersooq aammalu suliassat suut erseqqinnerusumik nukittorsaaviginiarneqarnersut paasissutissiissutigineqassasooq ataatsimiititaliamit kissaatigineqarpoq.
- b. Deloittep nalunaarusiaa sulinermi tassani aamma ilaatinneqarnersooq ataatsimiititaliamit aamma paaserusunneqarpoq?

3.11, immikkoortoq 4.8, Utoqqarnik sullissineq, qupperneq 92

Aningaasatigut kingunerisinnaasanik aningaasanut inatsimmut ilanngussinnginnermi utoqqalinerisqarnerup qanoq iliorkuni naleqqussarneqarsinnaaneranik nalilersuisoqassasooq naliliisoqassasorlu allassimavoq.

- a. Appasinnerpaamik isertitalit pitsaanerusumik atugaqalersinneqarnissaasa aammalu saniatigut isertitaqarnissap periarfissaqartinneqarnerat saniatigut Naalakkersuisut allanik isumaliuteqarpat?
- b. Misissueqqissaarneq qaqugu naammassineqartussatut naatsorsuutigineqarpa?

3.12, immikkoortoq 4.10, Pisortat ingerlatsinerannik kommuninillu suleqateqarnermik nutarterineq, qupperneq 93

Pisiortorneq pillugu: Matuma siuliani immikkoortoq 3.2-mut apeqqut aamma takuuk.

Kommunit aamma Namminersorlutik Oqartussat suleqatigiillutik nalunaarusiortut qupperneq 93-imi allassimavoq. Suliami tassani kommunerujussuit naliliiffigineqarnerat ilaatinneqarpa?

3.13, immikkoortoq 4.11, Attaveqaatinut aningaasaliinerit, qupperneq 95

Qup. 96-imi ima allassimavoq: Tassunga peqatigitillugu naliliisoqarpoq Qaqortumi nunap immikkoortuani mittarfiliorsinnaanermik aalajangerneq atlantiku ikaarlugu timmisartornermi mittarfiup inissiivissaanut atatinnagu isigineqassasoq. Siunissami aamma Kujatani mittarfimmik pingaarnermik sanasoqarnissaa pisariaqartinneqarpoq.

- a. Tamanna ataatsimiititaliamit ima paasineqassava; nunap immikkoortuani mittarfiup Qaqortumi inissineqarnissaa, atlantiku ikaarlugu timmisartornermi mittarfimmik Kujataani inissiinissaq aammalu nunap immikkoortuani mittarfimmik pingaarnermik Kujataani inissiinissaq Naalakkersuisunit isumaliutigineqartoq?
- b. Mittarfimmik ingerlatsineri piomasaaqataasunik saneqqutsinissamut immikkut akuerineqarnissamik piomasaaqateqarsinnaanermut periarfissaq Qaqortumi nunap immikkoortuanut mittarfimmik sananissamik pilersaarutini isumaliutigineqarsimava?

3.14, immikkoortoq 4.12, Innaallagiasq, imeq kiassarnerlu, qupperneq 96

Nukissiorfiit aktiaateqarluni ingerlatseqatigiiffingortinneqarneranni pitsaaqutit ajoqutillu erser-sinneqarnerannik imaqartumik nassuiaasiornissaq Naalakkersuisut pilersaarusiortaat allassimavoq. Ullumikkut atugassaritinnegartunut tunngatillugu aaqqissuussaaneq allanngortinneqarnissaanik pisariaqartitsisoqarnerisooq nalilissallugu pisariaqartinneqartoq Naalakkersuisut naliliipput. Allanngortitsineq imermik nukissiuutinillu pilersuinerit aningaasatigut silallu pissusaa eqqarsaatigalugu imminnut nappassinnaanerulernissaanik anguniagaqarnermut tapersiisinnaassasoq aammalu eqqakkat ikullanneqarsinnaasut qanoq siunissami passunneqartarnissaat allanngortitsineri ilanngullugu eqqarsaatigineqassasoq Naalakkersuisut kissaatigaat.

- a. Kissaatit siuliani taaneqartut isumaginissaannut Nukissiorfinnik maanna aaqqissuussimaneq naleqqutinnginnerisooq imaluunniit pitsaaqutit ajoqutillu allat nassuiaataajumaartumi paasinarsisineqassanersut paasissutissiissutigineqassasoq ataatsimiititaliamit maannangaq kissaatigineqarpoq.

3.15, immikkoortoq 5.4, Aktieselskabini Namminersorlutik Oqartussanit pigineqartuni anginerni tallimani ineriartorneq, qupperneq 101

- a. Royal Arctic Line A/S-ip umiarsuusaanik pisinissap kinguartinneqarnera, taakku pisariaqartinneqanngikkallarnerannut takussutissaanersooq naatsumik nassuiaatigineqassasoq kissaatigineqarpoq. Kinguartitsineq taarsigassarsinissap kinguartinneqarnerata saniatigut aningaasatigut ingerlatseqatigiiffimmut qanoq kinguneqassava?
- b. KNI A/S-ip akiitsui malunnaatilimmik amerleriarsimasut qupperneq 102-mi allassimavoq. Tamanna ingerlatseqatigiiffiup siunissami akiliisinnaassusianut qanoq takutitsiva?

- c. Telep imaatigut kabelianik atuineq pillugu naatsumik nassuiaat kissaatigineqarpoq. Piginnaasaq pisiarineqartoq atorfissaqartinneqanngippat aaqqiissutissamik akikinnerusumik nassaarnissaq ajornarsimanersoq paasissutissiissutigeqquneqarpoq.
- d. Pisariaqartitat sinnerujussuarlugit piginnaasaqartumik pisineq Telep tunisassiaanik atuisunut ataasiakkaanut qanoq kinguneqarsinnaava?
- e. Kiisalu ingerlatseqatigiiffiit qanoq ittut Naalakkersuisut isumaat malillugu pisortanit pigineqartariaqartutut isigineqartut paasissutissiissutigineqassasoq ataatsimiititaliamit kissaatigineqarpoq.
- f. Naalakkersuisut isumaat malillugu ingerlatseqatigiiffeqarpa tunineqarsinnaasunik sorliillu allat ineriartortinneqartariaqarpat?

3.16, immikkoortoq 5.5, Akiitsut ineriartornerat, qupperneq 102

Katillugit 200 mio. kr.-inik taarsigassarsisoqaqqissasoq allassimavoq. Aningaasat taakku sumut atorneqassapat?

3.17, immikkoortoq 7.1, Allanguutit pingaarnert, qupperneq 104

- a. Oqaasertaliussakkut nutaakkut puisit amii pillugit takoqqusaarinissaq pillugu KNAPK-p, Great Greenlandip aamma Kopenhagen Furip ataatsimoorullugu suliniuteqarnissaat periarfissinneqassaaq. Suliniummi tassani Kopenhagen Furip akuliutsinneqarneranut suna tunngaviuva?
- b. Tuniniaaneq pillugu pingaarnersiulluni tulleriinnilersukkat arlallit Great Greenlandip tuniniaanermut 2011-2013-imi periusissiaani allassimapput. Tamatumani sumut killittoqarpa?
- c. Ingerlatseqatigiiffiup amernik avammut tuniniaanerani tuniniaasoq ataasiinnaq suli atorneqarpa aammalu taamatut isumaqatigiissuteqarsimaneq qanoq pituttuiva?

4. Takussutissiat

4.1 Sanaartugassat illoqarfinnut agguataakkat, qupperneq 127 -

- a. 2013-imi aningaasanut inatsisissatut siunnersuutip suliarineqarnerani kisaatini ataatsimiititaliap uteqqissavaa qinnutigissallugulu kommunit sanaartugassatut kissaataat pillugit takussutissiaq kingullertut suliarineqartut nassiunneqassasoq. Kissaatit Naalakkersuisunit akuersaartumik pissuseqarfigineqarsimanersut takussutissiami nalunaarneqassasoq kissaatigineqarpoq.
- b. Sanaartugassatut kissaatit ilaannaat killeqartut Namminersorlutik Oqartussat aningaasaleeqataaffigisaannik qaqutigorsuaannaq piviusunngortinneqartarpata sanaartugassatut kissaatit ukiumoortut suliarineqarneranni kommunini nukiiit atorneqartut amerlavallaat maangaannartinneqartartut Aningaasaqarnermut Ataatsimiititaliaq isumaqarpoq. Nukinnik maangaannartitsineq tamanna killilerniarlugu Naalakkersuisut qanoq periarfissaqarsoraat?
- c. Suliassanik nammatassanillu agguataarineq pillugu nutaamik isumaqatigiissusiornissaq taamatut anguniagaqarnissamut siuarsaataassanersoq tassunga ilanngullugu paasissutissiissutigineqassasoq kissaatigineqarpoq.
- d. Pisortat sanaartugassaataannut tunngasut (annertunersaasa) kommuninut tunniunneqarnissaannik sulineq sumut killippa?

5. Suliassaqarfik 10 - 12 Naalackersuisut siulittaasuat

5.1 Konto pingaarneq 10.01.27 Saammaasseqatigiinnissamut Isumalioqatigiissitaaq

Isumalioqatigiissitap suliassaasa annertussusissaat, ilaasortaqaqqortussusissaa, aningaasarsiaqartit-sisinnaaneq iliuserisassallu annertussusissaat suli aalajangersimasumik isummerfigineqarsiman-ngitsut ataatsimiititaliamit maluginiarneqarpoq. Taamaattumillu suna tunngavigalugu aningaa-saliissutit naleqquttut Naalackersuisunit nalilerneqarsimanersut paasissutissiissutigineqassasoq ataatsimiititaliamit kissaatigineqarpoq.

5.2 Konto pingaarneq 10.06.24 Nuna tamakkerlugu aviisinut tapiissutit

Aviisit nuna tamakkerlugu saqqummersartut saniatigut tusagassiutinut allanut, soorlu atuagas-ianut, tapiissuteqarsinnaaneq pillugu Naalackersuisut qanoq isumaliuteqarpat?

5.3 Konto pingaarneq 10.13.10 Aktiaateqarluni ingerlatseqatigiiffinnit iluanaarutit, tunniussinerit tunisinerillu

- a. Isertitassatut missingikkat immikkoortiterneqarnissaat kissaatigineqarpoq.
- b. Isertitassatut missingikkat 2013-imit 2014-imit aammalu ukiunut missingersuusiorfinnut sanilliullugu allangornerat nassuiaatigineqassasoq kissaatigineqarpoq.

5.4 Konto pingaarneq 10.19.02 Bruxellesimi Sinniisoqarfik

- a. Ataatsimiititaliap paasinninnera malillugu Northern Periphery and Arctic programip saniatigut EU-mi programmit allat Namminersorlutik Oqartussanut, nunatsinni kattuffinnut, suliffeqarfinnut il.il. soqutiginaateqarsinnaapput aammalu nunatsinni aningaasaqarnermut, inuussutissarsiutinik ineriartortitsinermut, ilisimatusarnermut il.il. peqataaqataasinnaallutik. Programmimi taakkunani peqataassagaanni piunasaqaatit suuppat?
- b. Programmimi taakkunani peqataanissamut nunatsinnit soqutiginnittunut siunnersuinikkut, attaveqartitsinikkut aammalu ingerlatitseqqinnikkut Bruxellesimi sinniisoqarfiup qanoq peqataaqataasinnaanera Naalackersuisunit isumaliutigineqarsimava?

5.5 Konto pingaarneq 10.19.03 Northern Periphery and Arcticimut Kalaallit Nunaata tapersiutai

- a. Programmimit allannguutit suut aningaasaliissutit amerlinerannut pissutaappat?
- b. Nunanut allanut pisortaqrarfiup naliliinermi nalunaarusiaa majimeersoq tunniunneqassasoq kissaatigineqarpoq.

5.6 Konto pingaarneq 10.19.04 Kalaallit Nunaata Washington D.C.mi Sinniisoqarfia

- a. USA-mut Canadamullu niuernikkut suleqatigiinneq Namminersorlutik Oqartussanit anner-tusarneqassasoq missingersuutinut ilanngussami allassimavoq. Apeqqutaavoq nunatta taak-kununnga ullumikkut tunisartagai qanoq annertutiginersut aammalu avammut tunisar-takkatta annertusarnissaasa sulissutiginnissaa qulakkeernissaalu Washingtonimi sinniiso-qarfiup qanoq naatsorsuutigineraa.
- b. Washingtonimi sinniisoqarfimmik ammaaneq Bruxellesimi sinniisoqarfiup ilusiligaanera malillugu pissasoq missingersuutinut ilanngussami titarnertaami kingullermi allassimavoq.

Taamatut ilusiliinissaq danskit nunanut allanut ministereqarfianit akuerineqarsimanersaq aammalu sinniisoqarfiup Canadami atuutilersinneqarnissaa ajornannginnersoq paasissutissiissutigineqassasoq kissaatigineqarpoq.

- c. Inatsisartut aalajangiiffigisassaattut siunnersuut UKA 12/24-ip akuerineqarneranit maanna ukioq ataaseq affarlu qaangiuppoq. Washingtonimi sinniisoqarfiliornissap salliutinneqarnissaa Naalakkersuisut taamani kissaatigaat, puisilli amiinik avammut tuniniaaneq, aatsitassarsiorneq piaanerlu eqqarsaatigalugit Kinami sinniisoqarfimmik pilersitsinissaq naleqquppa allaallumi immaqa naleqqunnerua?

5.7 Konto pingaarneq 10.19.05 Nunani tamalaani ingerlatat iliuutsillu

- a. Ingerlatat sorphiaat aallartinneqassappat aningaasaliissutit amerlineqarnerannik tunngavissiisut?
- b. Piumasaqaatit qanoq ittut tunngavigalugit nunanut allanut pisortaqarfik tapiissutinik aggu-aassisarpa?
- c. Aningaasat siunertat naapertorlugit atorneqarnerat qulakkeerneqarsinnaaqqullugu tapiissutinik pissarsisut nalunaarusiornissaannut qanoq piumasaqaateqartoqarpa?
- d. Suliassami kisitsisit ilanngunneqarnissaat kissaatigineqarpoq.

5.8 Konto pingaarneq 10.19.07 Inuit Circumpolar Council

- a. Aningaasaliissutit ikilineqarnerannut nassuiaat kissaatigineqarpoq.
- b. Nunat ICC-mut ilaasortat nunaminni immikkoortortaminnut qanoq amerlatigisunik tapiissuteqartarpat?
- c. Missingersuusiornermut malittarisassami 2008-meersumi kapitali 12 naapertorlugu kattufiup nalunaarutaata kingulliup assilinera qinnutigineqarpoq.

5.9 Konto pingaarneq 12.01.01 Kalaallit Nunaata Københavnimi Sinniisoqarfia

- a. Sinniisoqarfimmi sulisumik allamik ataatsimik, Siulittaasup Naalakkersuisoqarfiata suliassaataanik isumaginnittussatut naatsorsuutigineqartumik, 2014-imi atorfinitsitsisoqassaaq. Suliassat sorphiaat pineqarnerisut paasissutissiissutigineqassasoq kissaatigineqarpoq.
- b. Sanilliussisinnaajumalluni savalimmiut sinniisoqarfiani qassit sulisorineqarnerisut paasissutissiissutigineqassasoq ataatsimiititaliamit kissaatigineqarpoq.

5.10 Konto pingaarneq 12.01.11 Namminersorlutik Oqartussat Københavnimi inissiaataat

Inissiaq Namminersorlutik Oqartussaneersunit amerlanerusunit atorneqarsinnaaqqullugu atorneqarnera pillugu Naalakkersuisut qanoq isumaliuteqarsimappat? Tassami atorneqanngikkaluarpalluunniit aningaasartuutit aalajangersimasut aningaasartuutigineqartussaammata aammalu Naalakkersuisut sulisuisa amerlanerusut inissiamik atuitinneqarnerisigut akunnittarfinni unnuinnernut aningaasartuutit killilerneqarsinnaammata.

6. Suliassaqaarfik 20 - 24 Aningaasaqarnermut Nunamullu Namminermut Naalakkersuisoq

6.1 Konto pingaarneq 20.01.05 PAT-imut suleriaasissap atuutsinneqarnera

Suliniutit killiffiat siumukarnerallu pillugit nassuiaat kissaatigineqarpoq.

6.2 Konto pingaarneq 20.01.06 Kommuninut Nakkutilliisoqarfik

Nakkutilliinermik ingerlatsinerup annertusarneqarnissaa siunertaralugu aningaasaliissutit 2013-imi aningaasanut inatsisip akuersissutigineqarneratigut amerlineqarput. Ulloq manna tikillugu sulinerup killiffia kissaatigineqarpoq.

6.3 Konto pingaarneq 20.01.07 Qinersinernut aningaasartuutit

Sooq Inatsisartunut kommunalbestyrelsinullu pilersaarutaasumik qinersinissanut ukiuni missingersuusiorfinni aningaasanik immikkoortitsisoqanngila?

6.4 Konto pingaarneq 20.05.20 Kommuninut ataatsimoortumik tapiissutit

- a. Kommuninut ataatsimoortumik tapiissutinut akinut akissarsianullu iluarsiiissut 2014-imi aningaasanut inatsisissatut siunnersuummi annertussutsip atorneqartup assigigaa Naalakkersuisunit eqqornerarneqarsinnaava?
- b. Akinut akissarsianullu iluarsiiissutip annertussusissaa 2012-imi ukiakkut isumaqatigiinniarnerne Naalakkersuisunit kommuninillu isumaqatigiinngissutigineqarsimavoq. Ukioq manna taamaattoqarsimava?
- c. Ataatsimoortumik tapiissutit missingersuusiorneqarneranni inuiaqatigiit katitigaanerannut tunngasut ilaatinneqarnissaat ataatsimoortumik tapiissutit pillugit 2011-mi isumaqatigiinniarnerne oqaluuserineqarpoq. Ukioq manna isumaqatigiinniarnerne ilanngunneqarsimappat? Inuiaqatigiit katitigaanerannut tunngasut ataatsimoortumik tapiissutit pillugit siunissami isumaqatigiinniarnerne ilaatinneqarnissaat Naalakkersuisunit kissaatiginartinneqarpa?

6.5 Konto pingaarneq 20.05.35 Nunaqqatigiit Siunnersuisoqatigiivi

Nunaqqatigiigiit siunnersuisoqatigiivi sunik suliassaqaarlutillu oqartussaaffeqarpat aammalu nunaqqatigiit siunnersuisoqatigiivi nutaanik suliassaqaalerpata/suliassaqalissagaluarpata suliassaalluunniit allanngorpata aningaasaliissutinut iluarsiiissutit qanoq ittut atorneqartarpat?

6.6 Konto pingaarneq 20.05.40 Naalagaaffiup ataatsimoortumik tapiissutai

- a. 2009-mili ukiuni pineqartuni nunatsinni aningaasanut inatsimmi akinut akissarsianullu iluarsiiissutaasarsimasunut sanilliullugit naalagaaffiup ataatsimoortumik tapiissutaanni akinut akissarsianullu iluarsiiissutaasarsimasunut takussutissiaq nassinneqassasoq ataatsimiititaliamit kissaatigineqarpoq.
- b. Ujaasinissamut annaassiniarnissamullu upalungaarsimanermut akisussaaffik naalagaaffimmit tiguneqarmat ataatsimoortumik tapiissutit 2013-imi aningaasanut inatsimmi 9 mio. kr.-inik ikilineqarput. Naalakkersuisut ulloq 8. august 2013-imi Aningaasaqarnermut Ataatsimiititaliamut allakkani ima allapput: ”Naalakkersuisunit uppernarsarneqarsinnaavoq, naalagaaffimmit ataatsimoortumik tapiissutit annikillisinneqarnerat naalagaaffiup suli

SAR-imit upalungaarsimanermik isumaginninnerani takuneqarsinnaanngimmat Namminersorneq pillugu Inatsimmi imaluunniit Namminersorneq pillugu Ataatsimiititaliarsuup isumaliutissiissutaani allaaserineqarsimasutut. Naalakkersuisunit oqartussaaffiit ilisimaneqanngillat, isumaqatigiissuteqarfiusimasuni Namminersorlutik Oqartussat aamma naalagaaffiup akornanni sumi periarfissiisoqarnersoq, Namminersorlutik Oqartussanut tassalu suliassamik naalagaaffimmut utertitsisinnaanissamut oqaasertaqarnersoq.” ”isumaqatigiissuteqarfiusimasuni” oqarnermi suna pineqarnersoq itisilerneqassasoq ataatsimiititaliamit kissaatigineqarpoq.

- c. 2013-imi danskit aningaasanut inatsisaanni oqaasertaliussat nassatarisaannik Inatsisartut siumoortumik akuliutsinnagit ilisimatitsissuteqarfiginagilluunniit ataatsimoortumik tapiisutit 9 mio. kr.-inik ikilineqarnerat inatsisinik malinninnerusoq Naalakkersuisut isumaqarpat? Suliaq ukioq ataaseq naluneqanngereermat erseqqissumik akisoqarnissaa ataatsimiititaliap piumasaraa.
- d. ”isumaqatigiissuteqarfiusimasuni” oqarnermi namminersorneq pillugu inatsit tassungalu atatillugu piareersaatitut suliat pineqarpata isumaqatigiissutinik immikkoortunik, ataatsimoortumik tapiisutit ikilineqarnerannik imaluunniit danskit naalagaaffiata aningaasanik piumasaqarneranik kinguneqarsinnaasunik, peqarnersoq paasissutissiissutigineqassasoq ataatsimiititaliamit kissaatigineqarpoq.

6.7 Konto pingaarneq 20.05.45 Kommune Kujallermi attaveqaatinik annertusaaneq

- a. Suliassami kisitsit, assersuutigalu aqquserngit qanoq metereqarnerat assigisaalluunniit, pillugit nalunaaruteqartarnissamik tunniussineq pillugu isumaqatigiissummi piumasaqaateqartoqarpa?
- b. Kommunimi attaveqaatinik nalinginnaasumik ineriartortitsinerup killiffia paasissutissiissutigineqassasoq kissaatigineqarpoq.

6.8 Konto pingaarneq 20.10.11 Ilanngaaseereerluni erniat

- a. 2013-imi aningaasanut inatsimmut aammalu ukiuni missingersuusiorfinni naatsorsuutigisanut sanilliullugu aningaasaliissutit ikinnerunerannut suna tunngaviua?
- b. Nunatta Karsiata aningaasaatai tigorianaanaat ullumikkut qanoq ernialersugaappat, tamannalu naammaginartutut isigineqarpa?

6.9 Konto pingaarneq 20.10.13 KNR-ip tigusisinnaatitaanermut piginnaatinneqarneranik isumakkeerinneq

- a. KNR-imi ingerlatsinerup aningaasatigut nammanneqarsinnaasumik ingerlanneqarnissaa qulakkeerniarlugu iliussissatut pilersaarutip piviusunnngortinniarnera sumut killippa?
- b. Atortorissaarutit digitaliusunut ukiut arlalinngortut matuma siorna KNR-imit pisiarineqartunut taartissanik pisinermut KNR-ip qaqugu aningaasartuuteqarnissaa Naalakkersuisut piviusorsioertutut isigaat? Taakkununga aningaasartuutit qanoq amerlatigissappat?

6.10 Konto pingaarneq 20.10.22 Isertitat allat

- a. Qinngutsinni Suloqqami inissiat qassit tuniniarneqassappat, tamatumani kvm-it inillu amerlassusiat paasissutissiissutigineqassasoq kissaatigineqarpoq.

- b. Angissusiat apeqqutaatillugu init ataasiakkaat niuerfinni qanoq akilersinneqarnissaat Naalackersuisunit naatsorsuutigineqarpa?
- c. Inissiat attartortunut tunineqarsinnaanerannut periarfissat Naalackersuisunit misissorneqarsimappat?
- d. Niuerfimmi taama killeqartigisumi inissianik taama amerlatigisunik tuniniaanissaq inissianik piginnilersussanut nutaanut pigisaqareersunullu qanoq kinguneqarsinnaanersoq Naalackersuisunit isumaliutigineqarsimava?
- e. Taama iliuuseqarneq ungasinnerusoq isigalugu aningaasaliisarfinnit qanoq qisuariarfigineqassanersoq Naalackersuisunit isumaliutigineqarsimava?
- f. Inissianik tuniniaanermi isertitassatut missingersuutigineqartut Naalackersuisunit pissarsiarineqanngitsuussagaluarpata aningaasanut inatsimmi missingersuutit tamarmiusut oqimaaqatigiinnerat attaneqarsinnaaqullugu sutigut sipaaruteqartoqarsinnaasoq Naalackersuisut isumaqarpat?

6.11 Konto pingarneq 20.11.51 Nutarterinerit sunniutai

- a. Iluarsaaqqinnissat Akileraarternermut Atugarissaarnermullu Isumalioqatigiissitamit kaammattuutigineqartut suli isummerfigineqarsimannginnerat, tamatumalu peqatigisaanik taakku 2016-imit isertitassatut missingersuutigineqarsimanerat ataatsimiititaliamit tupigusuutigineqarpoq. Tamanna itisilerneqassasoq kissaatigineqarpoq.
- b. Iluarsaaqqinnerit ungasinnerusoq isigalugu aatsaat sunniuteqartussat piffissamut qanittumut isertitassatut missingersuutigineqartarnerat ajornartorsiutitaqartoq Aningaasaqarnermut Ataatsimiititaliaq assigalugu Naalackersuisut isumaqarpat?
- c. Iluarsaaqqinnerusinnaasut taaneqartut qaqugu isummerfigineqartussatut Naalackersuisunit pilersaarutigineqarpat?
- d. Soraarnerussutisiassanit iluanaarutit akileraaruserneqarnissaannik aalajangiinnginnermi pissutsit arlallit sukumiinerujussuarmik qulaajaavigineqartariaqarnerat Naalackersuisut isumaqatigaat?
- e. Iliuusissanut taaneqartunut ataasiakkaanut sanilliullugu ukiuni ataasiakkaani isertitassat qanoq katitigaappat?
- f. Misissueqqissaarnerit digitaliseeriineq aqutigalugu pisortat ingerlatsinerannik nutarsaaneq iluarsaaqqinnermi iliuusissat ilaattut Naalackersuisunit taaneqarpoq. Digitaliseeriinerup nassatarisaanik pisortat ingerlatsineranni pisariillisaataasinnaasunut sipaarutaasinnaasunullu tungavilersuutaasinnaasut nassuiaatigineqarnissaat ataatsimiititaliamit kissaatigineqarpoq.
- g. 2014-imi isertitaqarnissaq naatsorsuusiorneqareermat inatsisissatut siunnersuummik saq-qummiussinissaq qaqugu naatsorsuutigineqarnerasoq paasissutissiissutigineqassasoq ataatsimiititaliamit kissaatigineqarpoq.

6.12 Konto pingarneq 20.11.56 Missingersuutininik iluarsineq, allaffissorneq

- a. Pisiortornermi isumaqatigiissutinik atuinerulerneq qanoq piviusunngortinneqartussatut Naalackersuisunit naatsorsuutigineqarpa?
- b. Tamanna najukkami inuussutissarsiortunut iluaqutaasumik najukkami annertunerusumik pisiniartalermissamut periarfissanut qanoq sunniuteqassava?

6.13 Konto pingaarneq 20.12.12 Aningaaseriveqartitsineq

- a. Akinik sullississutinillu illoqarfinni innuttaasut atugaasa assinginiq nunaqarfimmiut isorliunerusuneersullu atuinissaat sullissinissamik isumaqatigiissutikkut periarfissinneqarpa?

6.14 Konto pingaarneq 20.30.01 Aningaasaqarnermut Sulisoqarnermullu Aqutsisoqarfik, ASA, allaffissorneq

Pisiniussisarfimmut tunngatillugu nalinginnaasumik nassuiaatini immikkoortoq 3.2-mut, sipaarutitut isertitaqarnerunermullu tunngasumut, ataatsimiititaliap apeqqutai siulianiittut takukkit.

6.15 Konto pingaarneq 20.30.02 Ilinniartitseqqittarnermut aningaasaliissutit

Aaqqissuussineq siunertaminut naapertuunnersoq nalilerneqarsimava; tassalu najukkani sulisussarsiniartarnerup pitsanngortinneqarnissaa aammalu qitiusumik allaffeqarfissuarmi sulisut pigiinnarnissaannut ineriartortinneqarnissaannullu atugassarisaasunik pitsanngorsaanissaq?

6.16 Konto pingaarneq 20.30.09 Sulisunik utaqqiisaasumik najugaqartitsisarneq

- a. Sulisut 1. januar 2012 sioqqullugu tamatumalu kingorna atorfinitsinneqartut utaqqiisaasumik najugaqartinneqarneranni aningaasartuutit ikilisarneqarnerannik sulinerup killiffia ataatsimiititaliamit kissaatigineqarpoq.

6.17 Konto pingaarneq 20.30.10 Namminersorlutik Oqartussat qitiusumik allaffeqarfii aamma 20.30.11 Namminersorlutik Oqartussat illuutaannik aserfallatsaaliuineq

- a. Aserfallatsaaliinissamut pilersaarutit aammalu aserfallatsaaliinermi kinguaattoorutit kiffiat kissaatigineqarpoq.
- b. NC-p Inatsisartoqarfiullu saavani illoqannginnersamut tunngasoq pillugu suliassat aningaasalersornissaalu sumut killippat?

6.18 Konto pingaarneq 24.01.01 Akileraartarnermut Aqutsisoqarfik, allaffissorneq

- a. Ilaatigut hashimik anngiortumik eqqussuineq unitsinniarlugu Aalborgimi umiarsualivimmi nakkutilliineq pillugu DK-mi akileraaruseriffik oqaloqatigineqarpa?
- b. Suliffeqarfissuit nunanit tamalaaneersut akileraarusersornerat – tamanna qulakkeerniarlugu pitsanngorsaanermik sulineq sumut killippat?

6.19 Konto pingaarneq 24.01.15 Pisassanut allanut siusinnerusukkut isumakkiikkanut akiliutit

Pisassarifat akilersinniarlugit immikkut ittumik iliuuseqarneq sumut killippat?

6.20 Konto pingaarneq 24.01.16 Sulisitsisunit annaasat

Inuinnaq pisortanut akiitsoqartillugu sulisitsisut pineqartup akissarsiaanik unerartitsisarnerani ullumikkut qanoq periuseqartoqarpa?

6.21 Konto pingaarneq 24.10.10 Nuna tamakkerlugu akileraarut

- a. Utoqqalinersiassanit iluanaarutiniq akileraarusiinissami siunertaq, tamatumani periaaserine-

qartussat angissusissaallu kiisalu innuttaasunut kingunerisassai itisilerneqassasut ataatsi-miititaliamit kissaatigineqarpoq. Naatsumik oqaatigalugu; utoqqalinersiassanit iluanaarut-inik akileraarusiineq qanoq kinguneqassava aammalu innuttaasunut ataasiakkaanut Nunattalu Karsianut qanoq kinguneqassava?

- b. Aningaasaliissutinit iluanaarutininik akileraarusiineq aningaasaliissutinit annaasat akileraaru-titigit ilanngaatigineqarsinnaanerannik illua tungilerneqassava?

6.22 Konto pingaarneq 24.11.12 Raajanut akitsuutit

- a. Aningaasat missingersuutigineqartut inuussutissarsiortunik oqaloqateqareernikkut angissu-silerneqarpat?
- b. Inuussutissarsiortut aningaasaliinissamut periarfissaannut qanoq kinguneqartussatut Naalak-kersuisunit naatsorsuutigineqarpa?

6.23 Konto pingaarneq 24.11.13 Umiarsualivimmiinnermut akileraarutit

- a. Titarnertaaq siulleq allassimaneratut paasigaanni, tamatuma kinguneraa umiarsuit nunatsinni umiarsualivissinnigitsut akileraarutininik akiliineq ajortut. Umiarsuit umiarsualivissinnatik nunatta imartaanut angalaartut tamarmik angissusiat apeqqutaatinnagu akileraaruserne-qartalernissaat Naalakkersuisunit qanoq isumaqarfigineqarpa?
- b. Inuinnaat umiarsuaat nunatta imertaani angalaartut qanoq annertutigisumik nakku-tigineqarpat?

6.24 Konto pingaarneq 24.11.14 Naqissusiinnermut akitsuutit

Isertitassatut aningaasaliissutit amerlineqarnerat attartortumit piginnittumut aaqquissuussineq malillugu Qinnigutsinni Tuapannguanilu inissianik tunisinermi Naalakkersuisut naatsorsuu-tigisaannik ersersitsinerua?

6.25 Konto pingaarneq 24.11.21 Tipsernermut lottornermullu akitsuutit

Nunani allani spillernerit – assersuutigalugu internet atorlugu nunanit allanit sullississutigineqartut – akitsuuserneqarnissaat Naalakkersuisunit isumaliutigineqarsimava?

7. Suliassaqarfik 30 Ilaqutariinnermut Inatsisinillu Atortitsinnermut Naalakkersuisoq

7.1 Konto pingaarneq 30.01.03 Isumaginninneq pillugu pikkorissartitsinerit ilinniartitse-qinnerillu

- a. Suliatigit piginnaangorsarnissaq siunertaralugu pikkorissarnerit pingaarnertut ingerlanne-qartarnerat aammalu pikkorissarnernit taakkunanga pissarsiat ingerlaavartumik naliliif-figineqartarnerat qanoq qulakkeerneqartarpa?
- b. Konto pingaarneq 20.11.61, 0 kr.-imik immikkoortitsivigineqarsimasoq, innersuussutiga-lugu siunnersortinut ikiortinngorniarnermut aamma allagartartaarniarluni ilinniagaqarnermut 3.738.000 kr.-it missingersuutigineqartut aningaasartuummut suliassami kisitsisini allassi-mavoq. Qanoq tamanna ataqatigiippa?

7.2 Konto pingaarneq 30.01.04 Namminersorlutik Oqartussat illuutaannik aserfallatsaaliuineq – Ilaqutareeqarneq

- a. Illuutit illersorneqarsinnaasumik aserfallatsaaliuineqarnissaannut aningaasaliissutaasut naam-mattutut isigineqarpat?
- b. Aserfallatsaaliinermi kinguaattoortoqarpa, taamaassimappat qanoq annertutigisumik aam-malu qaqugu anguneqarnissaat naatsorsuutigineqarpa?

7.3 Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffiit

Ulloq unnuarlu paaqqinniffiit arfineq pingasuinnaanerat eqqorpa aammalu inissat amerlassusiat eqqortumik nalunaarneqarsimava? Ulloq unnuarlu angerlarsimaffiup isumannaallisakkap pilersin-niarnera sumut killippa?

7.4 Konto pingaarneq 30.10.45 Meeqqat inuusuttullu immikkut ittumik suliniuteqarfigine-qarnerat

Ilaqutariinnut sullissivinnut aammalu ilaqutariinnut højskolinut tapiissutit annertuumik qaffaa-vigineqartut suliassami kisitsisini takuneqarsinnaavoq. Tamatumunnga pissutaava ingerlatsinerit taamaaqqaatanik qaffanneqarnissaannik naatsorsuutiginninneq?

7.5 Konto pingaarneq 30.11.10 Ineqarnermut tapiissutit

- a. Suliassa qarfiup iluani kissaatiginanngitsumik iluanaarniutiginnittarneq pillugu malerua-gassiiisumik nalunaarusiortoqassasoq suliassa qarfimmu Naalakkersuisuusimasup paasissu-tissiiisutigaa. Nalunaarut taanna atortussanngortinneqarpa, taamaassimappallu siunertaminut naapertuuttumik atuuppa?
- b. Pisartagaqartut annikinnerusumik ikilinissaat missingersuutigineqarpoq. Tamanna aninga-aaliissutinut sunniuteqartussatut naatsorsuutigineqanngila?

7.6 Konto pingaarneq 30.12.08 Utoqqalinermi pensionisiat

2013-imi aningaasanut inatsimmut sanilliullugu pensionisiaqartut 55-inik amerleriarput aammalu aningaasaliissutit pensionisiaqalersumut nutaamut ataatsimut 148.000-it missaannik naleqartumik 8,158 mio.-inik amerlineqarlutik. Tunngaviusumik aningaasaliunneqartartut amerlassusiisa sania-tigut pissutsit allat tamatumunnga pissutaappat?

7.7 Konto pingaarneq 30.12.09 Siusinaartumik pensionisiat

Pisartagaqartut amerliartuaarnerat ingerlaannartussatut naatsorsuutigineqarmat Aningaasaqarnermut Ataatsimiititaliamit isumakulunnartinneqarpoq. Siusinaartumik pensionisiaqalernissaq qanoq pina-veersaarneqarsinnaanersoq sammeneqarnerusariaqartoq suliassa qarfimmu Naalakkersuisuusimasup ataatsimiititaliamut paasissutissiiisutigaa. Isumaginninnikkut peqqissutsikkullu suliniutit pitsaa-suunissaat kiisalu sulinermi ajoqusersinnaanermik pinaveersaartitsineq tamatumani pingaarute-qarluinnarput.

- a. Pissutsit tamakku sulissutigineqarnerat Naalakkersuisunit ingerlateqqinneqarpa?
- b. Arlalissuit meeqqanut tapiissutinik pissarsisartuusut Aningaasaqarnermut Ataatsimiitita-liamit maluginiarneqarpoq. Inuuniarnikkut kingornutaminnik qimatsisinnaaqullugit mee-q-

qat eqqorneqartut Naalackersuisunit immikkut eqqumaffigineqarpat?

7.8 Konto pingaarneq 30.13.43 Innarlutillit Pillugit Ilisimasaqarfik Siunnersuisarfiutigisoo

- a. Konto pingarnermi aningaasat immikkoortinneqartut marloriaatinngorsimapput. Tamanna sumut ersiutaava?
- b. IPIS aaqqissuussaaniikkut sooq tassani inissisimava?

8. Suliassaqarfik 34 – 35 Peqqissutisumut Attaveqarnermullu Naalackersuisoo

8.1 Utaqqisunik nalunaarsorsimaffiit taartaagallartartunullu aningaasartuutit

- a. Utaqqisunut nalunaarsorsimaffiit piffissallu utaqqiffiusartut killiffiannut paasissutissiissut, takussutissiamut 2013-mut aningaasanut inatsisissatut siunnersuummut atatillugu ataatsimiititaliamut tunniunneqartumut aammalu 2013-mi aningaasanut inatsisissatut siunnersuummik aappassaaneerinissamut ataatsimiititaliap isumaliutissiissutaani ilanngunneqartumut *toqqaannartumik* sanilliussinissamut tunngaviusinnaasoq Aningaasaqarnermut Ataatsimiititaliamit qinnutigineqassaaq.
- b. Aammattaaq taartaasartunik inuttarsarsiuvinnit sulisorisanut piffissami sivikitsumi atorfeqartitsilluni atuinermi aningaasatigut killiffik pillugu paasissutissiissut, takussutissiamut 2013-mut aningaasanut inatsisissatut siunnersuummut atatillugu ataatsimiititaliamut tunniunneqartumut aammalu 2013-imut aningaasanut inatsisissatut siunnersuummik aappassaaneerinissamut ataatsimiititaliap isumaliutissiissutaani ilanngunneqartumut *toqqaannartumik* sanilliussinissamut tunngaviusinnaasoq Aningaasaqarnermut Ataatsimiititaliamit qinnutigineqassaaq.
- c. Kiisalu 2013-imi aningaasanut inatsisissatut siunnersuummut atatillugu ataatsimiititaliamit apeqqutigineqartut sinnerinut malitseqartitsissut ataatsimiititaliamit qinnutigineqarpoq, taakku tassaapput 1) peqqinnissaqarfippiamut aningaasaliissutit tamakkiisut, 2) naatsorsuutit ukianut qaangiuttumut taamatullu ingerlatassatut naatsorsuutigineqartunut sanilliullugu piviusorsiortumik missingersuusiortarnissamik Deloittep kaammattuutaa Naalackersuisunit tamakkiisumik malinneqarsimanersoq, 3) naggasiullugulu Skandinaaviap avataani nunanit nakorsanik pissarsiniarsinnaanermut periarfissat unammilligassallu.

8.2 Konto pingaarneq 34.11.02 Napparsimasut nunani allani katsorsarneqartarnerat, tarnikkut nappaatit

Nuummi parnaarussivimmik nutaamik sanaartornissamik pilersaarutit kontomut uunga sunniuteqassappat?

8.3 Konto pingaarneq 34.11.03 Dronning Ingridip Napparsimmavissua

- a. 2013-imi aningaasanut inatsimmut sanilliullugu isertitassat taama malunnaateqartigisumik amerleriarnissaannik naatsorsuutiginninnermut suna tunngaviua?
- b. Napparsimmaviup scannerisinnaassusia tamakkiisumik atornerqarpa aammalu assersuutigalugu Nunavumik suleqateqarnikkut atorluarneqarsinnaava, taamaalillunilu DIN-imut immaqa amerlanerusunik isertitaqaataasinnaalluni?
- c. Peqqinnissaqarfimmi sulisunut inissianik, utaqqiisaasumik inissianik allatigullu inissiaritin-

neqarallartunik Peqqinnissaqarfiup atuinerani killiffik Aningaasaqarnermut Ataatsimiititaliamit kissaatigineqarpoq.

8.4 Konto pingaarneq 34.11.04 Kalaallit peqqissartut angerlarsimaffiat

Peqqissartut kalaaliminertugassaannik pisinissamut ukiumut 0,4 mio. kr.-it immikkoortinneqartut missingersuutitut ilanngussami allassimavoq. Unnuinerit amerlassusissaattut naatsorsuutigisat suliasami kisitsisini allassimasut malillugit tamatuma naligaa ukiumut ataasiarluni unnuinermi kr. 20,-it missaat atorineqarsinnaanerat.

Aningaasat immikkoortinneqartut naammattut Naalakkersuisunit isumaqarfigineqarpat aammalu aaqqissuussinermut tassunga pilersuineq qanoq aaqqissuussivigineqarsimava?

8.5 Konto pingaarneq 34.11.06 Nappaatinut misileraalluni katsorsaaneq

Inuit suliasami kisitsisini taaneqartut nappaatinut qanoq ittunut katsorsarneqarsimanersut paasissutissiissutigineqassasoq ataatsimiititaliamit kissaatigineqarpoq.

8.6 Konto pingaarneq 34.12.01 Nunap immikkoortuini peqqinnissaqarfik, nakorsanit sullinneqarneq

Akissarsianut aningaasartuutit 9,2 mio. kr.-it missaannik amerleriarsimanerannut suna tunuliaqutaanersoq paasissutissiissutigineqassasoq ataatsimiititaliamit kissaatigineqarpoq?

8.7 Konto pingaarneq 34.12.03 Ataatsimut aningaasartuutit, napparsimasunik angallasserit

Napparsimasunik angallassigasuarnerit piffissap ingerlanerani amerliartuinnarsimasut illuatungaa-tigulli napparsimasut angalanerannut atukkat 2012-imi naatsorsuutitut apparuarujussuarsimasut suliasami kisitsisini allassimavoq. Napparsimasunik angallassigasuarnermut agguaqatigiissillugu akiusut 2012-imi 161.900 kr.-init 2014-imi aningaasanut inatsisissatut siunnersuummi 116.447 kr.-inut ikileriarsimanerat ataatsimiititaliamit nuannaarutigineqarpoq.

- a. Angallasseriaatsinut taakkununga marlunnut maleruagassat suut atuunnersut paasissutissiissutigineqassasoq ataatsimiititaliamit kissaatigineqarpoq.
- b. 2012-imi napparsimasut angalanerisa amerlassusiat aammalu 2013-imi 2014-imilu angalanissat naatsorsuutigineqartut amerlassusissaat paasissutissiissutigineqassasoq ataatsimiititaliamit kissaatigineqarpoq.
- c. Atortunut atukkat AI 2013 sanilliullugu affaannangornerannut suna pissutaanersoq paasissutissiissutigineqassasoq ataatsimiititaliamit kissaatigineqarpoq.

8.8 Konto pingaarneq 34.12.05 Nuna tamakkerlugu nakorsaaserisoqarfik aamma 34.13.01 Peqqinnissaqarfik, kigutigissaaneq

- a. Nassuiaammi "Peqqinnissaqarfik aningaasarsiornikkut isaruanik isigalugu 2014", ull. 7. august ataatsimiititaliamut nassiunneqartumi, qupperneq 8 naapertorlugu pisariillisaanikkut iluanaarutit anguneqartussatut naatsorsuutigineqartut erseqqissarneqarnissaat ataatsimiititaliamit kissaatigineqarpoq.
- b. Aatsitassarsiornermik ingerlatsinermut atatillugu qanoq iliortoqalersaarnersoq paasissutissiissutigineqassasoq ataatsimiititaliamit kissaatigineqarpoq.
- c. Kigutit nakorsaannik sullinneqarnermi sulisoqarniarnikkut qanoq inissisimasoqarpa, matu-

mani eqqersaatigineqarput aalajangersimasumik atorfillit aamma taartaasartut kiisalu piffissami sivikitsumi atorfeqartitaasut allat amerlassusiat?

- d. Aalajangersimasumik sulisorisat imaluunniit taartitut sulisut akornanni suliap taassuma assinganik namminersorlutik suliaqartunik imaluunniit aalajangersimasumik sulisorisanik taartitulluunniit sulisorisanik saniatigut namminersortutut suliffiuteqartunik Naalakkersuisut ilisimasaqarpat?
- e. Konto pingaarnerup Peqqinnissaqarfik, kigutigissaaneq, ataani pisortatut atorfinni qassit kigutilerisut pisortaattut atorfeqarpat?

8.9 Konto pingaarneq 34.14.01 Nunatsinni nakorsaaneqarfik

- a. Suliassani kisitsisini naammagittaalliutit naammassisat ataanni allassimavoq kalaallit naammagittaalliutaannik Danmarkimi Sundhedsvæsenets Disciplinærnævni isumaginninnissaanut inatsisitigut tunngavissanik ajornartorsiuteqarnera tunngavigalugu suliarinnittarnerit oktobarimi aallartinneqartut. Tamanna itisilerneqassasoq ataatsimiititaliamit kissaatigineqarpoq.
- b. Naammagittaalliutit qanoq ittut nunatsinni nakorsaaneqarfimmi suliarineqartarnerisut aammalu naammagittaalliutit suliassatut tiguneqartut tamarmik nunatsinni nakorsaaneqarfimmi aallartinneqarlutillu naammassineqartarnerisut paasissutissiissutigineqassasoq ataatsimiititaliamit kissaatigineqarpoq.
- c. Naammagittaalliutit qanoq ittut suliarinissaat nunatsinni nakorsaaneqarfimmit itigartitsissutigineqartarnerisut paasissutissiissutigineqassasoq ataatsimiititaliamit kissaatigineqarpoq.
- d. Tuberkulose pillugu suliniuteqarnerup kingunerisaanik konto pingaarnermi matumani aningaasaliissutit 1,1 mio. kr.-inik amerlineqartut missingersuutitut ilanngussami allassimavoq. Tuberkulosemut tunngatillugu suliniarnermut aningaasanik amerlanerusunik aningaasaateqarfinnit namminersortunit pissarsisoqarsinnaanersoq misissussallugu Naalakkersuisut isumaliutigisimavaat?

8.10 Konto pingaarneq 34.15.01 Inuuneritta

Programmikkut suliniuteqarfiit qitiutillugulu sammisatut taaneqartut, taakkununga minnerunngitsumik imigassamik hashimillu atonerluinermut tunngasut, ataatsimiititaliamit ima imaannaanngitsigisutut isigineqarput aningaasat siunertamut immikkoortinneqartut siunertanut allanut sanilliullutik ikippallaarsorinarlutik.

8.11 Konto pingaarneq 35.01.04 Sanaartornermut oqartussaaneq - angallanneq

N 2012-imi akissarsianut aningaasartuutini isertitaqarsimaneq qanoq paasineqassava?

8.12 Konto pingaarneq 35.01.08 Imarsiornermi isumannaallisaaneq

N 2012-imi isertitat suuppat?

8.13 Konto pingaarneq 35.01.10 Usinik assartuineq

Royal Arctic Line A/S-ip nalunaarusiaa kingulleq nassiunneqassasoq kissaatigineqarpoq.

8.14 Konto pingaarneq 35.02.02 Umiarsualivinnik aserfallatsaaliuineq

Aserfallatsaaliuinnikkut kinguaattoorutit 2012-imi 97,0 mio. kr.-it sinnilaarlugit amerlassuseqartut 2013-imi aningaasanut inatsisissatut siunnersuummut tunngatillugu Naalakkersuisut paasissutissiissutigaat. Tamatumani killiffiup paasissutissiissutigineqarnissaa ataatsimiititaliamit kissaatigineqarpoq?

8.15 Konto pingaarneq 35.04.02 Mittarfeqarfiit

- a. Tartertaaq 7-imi "sipaartussat taaneqartut" itisileqqullugit Naalakkersuisut qinnuigineqarput.
- b. Mittarfeqarfiit pingaarnertut ingerlataqarfiinik malinnaatitsineq tunaartalersuinerlu sumut killippa?
- c. 2012-imi aamma 2013-imi suliassami kisitsisit AI2013-imut aamma AIS2014-imut naapertuutinngillat.

9. Suliassaqarfik 40 Ilinniartitaanermut, Ilageeqarnermut, Kultureqarnermut Naligiisitaanermullu Naalakkersuisoq

9.1 Konto pingaarneq 40.01.08 Ilinniartitaanermi immikkoortunut pilersaarut kiisalu ilinniartitaanerup immikkut ittumik suliniuteqarfigineqarnera

- a. Suliniuteqarneq qanoq sivilutigisumik "immikkut ittuusariaqartutut" Naalakkersuisunit isigineqarpa?
- b. Suliassaqarfinni tallimani anguniakkat anguniarneranni killiffik kiisalu aningaasat pitsaasumik kinguneqarsimanersut paasissutissiissutigineqassasut kissaatigineqarpoq.

9.2 Konto pingaarneq 40.02.01 Ilinniagaqarnersiuteqartitsivik, aqutsineq aamma Ilinniartut Ineqarfiisa Allaffeqarfiat

- a. Nuummi ilinniartunut inissianik amigaateqarnerup nassatarisaanik maleruagassanik allangortitsisoqarmat kommuneqarfik Sermersooq peqatigalugu ataqatigiissarinerunissaq pisariaqalersimasoq aammalu tamanna pillugu oqaloqatigiinneq aallartinneqarsimasoq 2013-imi aningaasanut inatsisissatut siunnersuummut atatillugu Naalakkersuisut Aningaasagarnermut Ataatsimiititaliamut allapput. Taama oqaloqatigiinneq sumut killinnersoq aammalu Nuummi ilinniartut inaannik amigaateqarnermik ajornartorsiutip iluarsineqarnissaanut kommunimik oqaloqateqarneq peqataaqataasinnaanersoq paasissutissiissutigineqassasoq ataatsimiititaliamit kissaatigineqarpoq.
- b. Missingersuutitut ilangussap kalaallisuaa danskisuualeq assiginngissuteqarmata ataatsimiititaliamit aamma maluginiaqquneqarpoq. Danskisuuani titarnertaat sisamaanni allasimavoq ilinniartut inissaqarnissaat siunertaralugu ingerlatsisoqartoq, tassalu kalaallisuuani "ilinniartunut ilaqtanullu" allaqqanngilaq.

9.3 Konto pingaarneq 40.02.03 Aningaaserivinnit taarsigassarsiaritit

Missingersuutitut taama malunnaateqartigisumik qaffiarnerat sumik pissuteqarnerasoq paasissutissiissutigineqassasoq ataatsimiititaliamit kissaatigineqarpoq.

9.4 Konto pingaarneq 40.02.06 Ilinniarnermi tapiissutit meeqqanullu tapit

Suliassami kisitsisit appariartornerat sooq missingersuutit qaffariarnerannik nassataqarnersoq paasissutissiissutigineqassasoq ataatsimiititaliamit kissaatigineqarpoq.

9.5 Konto pingaarneq 40.10.11 Ado Lyngep Atuarfia

Atuarfiup inissaatai tamakkiisumik atorneqarnerat aammalu utaqqisunut allattuiffeqalernissaq pisariaqalersimanersoq paasissutissiissutigineqassasoq ataatsimiititaliamit kissaatigineqarpoq.

9.6 Konto pingaarneq 40.10.15 Atuarfimmi nerisaqartitsineq

- a. Aaqqissuussineq siunertani naapertorlugu ingerlanersoq paasissutissiissutigineqassasoq ataatsimiititaliamit kissaatigineqarpoq.
- b. Atuarfiit qassit aaqqissuussinermik atuinerannik takutitsisunik aammalu atuartut qassit aaqqissuussinermi ilaatinneqarnerannik takutitsisunik missingersuutitut ilanngussami suliassami kisitsisit suliarineqarnissaat ataatsimiititaliamit kissaatigineqarpoq.

9.7 Konto pingaarneq 40.12.34 Ilinniarnertuunngorniarfiit

- a. Suliassami kisitsisini allannguutit taakkulu akornanni ataqatigiinnerit paasiuminartunngorlugit nassuiarneqarnissaat ataatsimiititaliamit kissaatigineqarpoq. Atuartitsissutit amerlassusiisa annertuumik ikileriaateqarnerat assersuutigalugu aningaasaliissutit taamatut ikileriarnerannik malitseqartinneqanngitsoq ataatsimiititaliamit maluginiarneqarpoq.
- b. Sooq taamarsuaq atuartitsisutit ikileriaateqartigisimaqaat?
- c. Aningaasaliissutinik atuneq pillugu naliliisarnermik aaqqissuussisoqarsimanersoq paasissutissiissutigineqassasoq ataatsimiititaliamit kissaatigineqarpoq.

9.8 Konto pingaarneq 40.90.02 Kalaallit illuinut tapiissutit

Ilinniartunut inissat attartugassanngorlugit pilersinneqassasut missingersuutitut ilanngussami titarnertaami kingullermi allassimavoq. Tamatuma itisilerneqarnissaa ataatsimiititaliamit kissaatigineqarpoq.

9.9 Konto pingaarneq 40.90.03 Namminersorlutik Oqartussat iluutaannik aserfallatsaaliineq

Aningaasaliissutit malunnaatilimmik suli amerliartortut suliassaalersut naapertorlugit pingaarnersiulluni tulleriiarinermut taamaallaat takussutissaappat?

9.10 Konto pingaarneq 40.90.13 Tarnikkut inooqatigiinnikkullu nuna tamakkerlugu ilinniartunik siunnersuisarfik

- a. Ilinniarnerni naammassinnittartut procentiisa annertusineqarnissaat aammalu atornerlugaa-simasutut sammineqartut pitsaanerpaamik inuuneqalernissaat kiisalu atornerluisarnerit ingerlateqqinneqarnissaasa pinaveersaartinneqarnissaat siunnersuisarfiup siunertarigaa missingersuutitut ilanngussami allassimavoq.
 1. Siunnersuisarfiup siunertaata ataani pineqartutut taaneqartunut sanilliullugu tamanna pineqartut ikilineqarnerattut ataatsimiititaliamit paasineqarsinnaavoq, tamannalu

ataatsimiititaliap isuma malillugu naapertuutinnngilaq. Tamanna ataatsimiititaliamut paasinarsiseqqullug Naalakkersuisut qinnuigineqarput.

2. Tamakku sunniuteqarnerannik uuttortaaneq qanoq ingerlanneqassanersoq Naalakkersuisunit isumaliutigineqarsimava?
 - b. Ilinniarnermik naammassinninniarnermik ajornartorsiutit, atorneerluinermik qimatsinissamut periarfissat aammalu atorneerluinermik nangitsisarneq inuuniarnikkut ilaqutariinnermullu pissutsinut attuumassuteqartut naatsorsuutigineqartariaqarpoq. Ajornartorsiutit taakku qanoq annertutiginerat Naalakkersuisunit ilisimasaqarfigineqarpa aammalu ajornartorsiutit taakku annertussusiat ilanngullugu isiginiarneqarpa?

9.11 Konto pingaarneq 40.90.14 Naligiissitaanissamut Siunnersuisoqatigiit

Ukiumoortumik nalunaarutip kingulliup nassiunneqarnissaa ataatsimiititaliamit kissaatigineqarpoq.

9.12 Konto pingaarneq 40.91.02 Siunnersuisartunik ilinniartitsineq

Missingersuutit malunnaatilimmik qaffariarsimasut tamatumalu peqatigisaanik ingerlatat allannguuteqannginnissaat naatsorsuutigineqartoq ataatsimiititaliamit maluginiarneqarpoq. Tamatumunnga suna nassuiaatissaava?

9.13 Konto pingaarneq 40.91.03 Pikkorissartitsineq

Aningaasaliissutit atorlugit pikkorissarnerit qanoq ittut 2012-imi ingerlanneqarsimanersut pillugu naatsorsuineq ataatsimiititaliamit kissaatigineqarpoq.

9.14 Konto pingaarneq 40.91.05 Inersimasunut ilinniartitaaneq

Annertuumik appariarneq suliassami kisitsisini takutinneqarpoq. Aningaasaliissutit amerlineqarnerannut suna pissutaava?

9.15 Konto pingaarneq 40.92.10 Højskolit

Højskolit atuuffiannik taakkulu aningaasalersugaanerannik paasinarsisitsisussamik ataatsimoorullugu suleqatigiissitamik Naalakkersuisut højskolillu pilersitsisimasut 2013-imi aningaasanut inatsisissatut siunnersuutip suliarineqarneranut atatillugu Naalakkersuisut paasissutissiissutigaa. Taama suliaqarneq sumut killippa?

9.16 Konto pingaarneq 40.92.13 Ilimmarfik

- a. Taagutit paatsiveerussutigineqaaqqunagit Ilisimatusarfimmut taaguutit pingasut pinnagit taaguut ataasiinnaq atorneqassasoq ataatsimiititaliap Naalakkersuisunut kaammattuutigaa. Allanguutissatut siunnersuutissaq qilanaaruneqarpoq.
- b. Ilinniagartuutut bachelorimut ilinniartitaanerup aammalu suliamut sammititamik bachelorimut ilinniartitaanerup assigiinngissutaannut nassuiaat ataatsimiititaliamit qinnutigineqarpoq.
- c. Assersuutigalugu qanoq kinguneqarpa ilinniartitaaneq suliffinnut naleqquttunngorlugu bachelorinngorniarnerruppat aammalu ilisimatusaatinut tunngatillugu bachelorinngorniarnerruppat?

9.17 Konto pingaarneq 40.92.14 Ajoqissanik organistinillu ilinniartitsineq

Palasit suliaasa amerlanerusut ajoqinit tiguneqarsinnaaqullugit ajoqissanik ilinniartitsinerup qaffatsinneqarnissaa Naalakkersuisut pitsaaqutissaqarsoraat?

9.18 Konto pingaarneq 40.92.16 Perorsaanermik Ilinniarfik aamma Oqaatsinik Pikkorissarfik

- a. Oqaatsinik Pikkorissarfiup ilinniartitaanermik ingerlatsinera kikkunnut sammitaava?
- b. Oqaatsinik Pikkorissarfiup ingerlataasa qanoq annertussuseqarlutillu pitsaassuseqarnissaannut Naalakkersuisut qanoq piumasaqaateqarpat?

9.19 Konto pingaarneq 40.94.10 NCB-p akiliutaanut matussutissatut tapiissutit

Saqqummersitassat suliarineqarnerisa Kalaallit Nunaanni pinissaata tapiissuteqarnissamut piumasaqaatinngortinneqarnissaa Naalakkersuisut qanoq pitsaaquteqartutut ajoquteqartutullu isigaat?

9.20 Konto pingaarneq 40.94.13 Timersornermut tapiissutit

Aningaasaliissutit ilaat qanoq amerlatigisut klubbinut timersornermillu ingerlatsisunut iluaqutissanngorlutik tuttarnerisut paasissutissiissutigineqassasoq ataatsimiititaliamit kissaatigineqarpoq?

9.21 Konto pingaarneq 40.94.17 Kalaallit Nunaata Radiua - KNR

- a. N 2012-imut sanilliullugu suliaasami kisitsisit appasinnerugaluartut aningaasaliissutit amerlineqarnerannut tunuliaqutaasoq paasissutissiissutigineqassasoq ataatsimiititaliamit kissaatigineqarpoq.

9.22 Konto pingaarneq 40.94.18 Kulturip Illorsua Katuaq

Aningaasaliissutit ilaat qanoq annertutigisut nunatta kulturiata Nuup avataani nunanilu tamalaani takutinneqarneranut atorineqartarnersut paasissutissiissutigineqassasoq ataatsimiititaliamit kissaatigineqarpoq.

9.23 Konto pingaarneq 40.94.20 Arctic Winter Games aamma Island Games

Pingaarnertut pilersaarutit Arctic Winter Gamesip pilersaarusiornissaanut ingerlanneqarnissaanullu missingersuutitalit assilinerisa nassiunneqarnissaat ataatsimiititaliamit kissaatigineqarpoq.

9.24 Konto pingaarneq 40.94.21 Danske Spil A/S-ip tipsernermit lottornermillu kaaviiartitaanit Kalaallit Nunaata pissarsiaanit tapiissutit

- a. R 2012-imi aamma AI 2012-imi ilanngaaseereerluni aningaasartuutit kukkusunik aningaasartalerneqarsimanersut paasissutissiissutigineqassasoq ataatsimiititaliamit kissaatigineqarpoq.
- b. Aningaasat missingersuutigineqartut marloriaatinngornerannut suna tunngaviua?

9.25 Konto pingaarneq 40.94.23 Eqqissisimatitassanut tunngasut

Aningaasat atorneqarnerat pillugu nalunaaruteqartoqartarneraq paasissutissiissutigineqassasoq ataatsimiititaliamit kissaatigineqarpoq.

9.26 Konto pingaarneq 40.94.27 Oqaasileriffik

Oqarneq "Digitalimut tunngasut pingaartillugit" qanoq isumaqarneraq paasissutissiissutigineqassasoq ataatsimiititaliamit kissaatigineqarpoq.

9.27 Konto pingaarneq 40.95.01 Kulturimut tapiissutit allat

Konto pingaarnermi matumani aningaasaliissutit ilaasa 2013-imi aningaasanut inatsimmi konto pingaarnermit 30.21.02-imit, Atuakkanik kalaallisuunik saqqummersitsinermit tapiissutitut tunngasumit, nuunneqarsimanerat missingersuutitut ilanngussami aamma allanneqaqqullugu Naalakkersuisut ataatsimiititaliamit qinnuigineqarput. Aningaasaliissutit ilaannut taakkununga tunngasunut suliassamit kisitsisit ilannguteqqullugit Naalakkersuisut ataatsimiititaliamit qinnuigineqarput. Allannuutissatut siunnersuutissaq qilanaarineqarpoq.

10. Suliassaqqarfik 50 - 51 Aalisarnermut, Piniarnermut Nunalerinermullu Naalakkersuisoq

10.1 Konto pingaarneq 50.01.20 Aalisarneq piniarnerlu

- a. Oqaasertaliusaaq puisit amiinik takoqqusaarinissaaq pillugu KNAPK, Great Greenland aamma Copenhagen Fur suleqatigalugit suliniuteqarnissamik periarfissiisoq allassimavoq. Tamanna suliniummullu tassunga suliassami kisitsisit qanoq ataqatigiippat?
- b. Puisit amii puisinniarnerlu pillugit paasisitsiniaanermik suliniut sumut killippa?
- c. Suliniummot nassuiaat isumaqatigiissullu nassiunneqassasut kissaatigineqarput.

10.2 Konto pingaarneq 50.06.50 Aalisarnermut aningaasaliissutitut immikkoortitat

- a. Aningaasat qanoq agguataarneqarnersut aammalu annertunerusumik ingerlatsinissaaq naatsorsuutigineqarneraq paasissutissiissutigineqassasoq ataatsimiititaliamit kissaatigineqarpoq.
- b. Suliassami kisitsisit skemanngorlugit ukiut tamaasa missingersuutitut ilanngussanut ilaatinneqartarnissaat ataatsimiititaliamit qinnutigineqarpoq.

10.3 Konto pingaarneq 51.01.05 Kalaallit Nunaanni Aalisarsinnaanermut Akuersissutitik Nakkutilliisoqqarfik aamma Piniarnermik Nakkutilliisoqqarneq

Aalisarsinnaanermut akuersissutitik nakkutilliisoqqarfik aammalu piniarnermik nakkutilliisoqqarneq pillugit konto pingaarnerit ataatsimoortinneqarnerannut eqaannerusumik aqqissuussinissaaq tunngavisoq titarnertaat arfernanni allassimavoq. Tamatuma itisilerneqarnissaa ataatsimiititaliamit kissaatigineqarpoq.

10.4 Konto pingaarneq 51.02.03 Puisit amiinik tunisinermi akinut tapiissutit

Puisit amii uninngasuutit maanna qanoq amerlatigippat aammalu ukiuini aggersuni uninngasuutit qanoq ineriartorfiunissaat Naalakkersuisunit naatsorsuutigineqarpa?

10.5 Konto pingaarneq 51.03.02 Nunalerinermik inuussutissarsiuteqartunut aningaasalersuinikkut tapersiisarneq

Nunalerineq pillugu Isumalioqatigiissitat sulinerminni sumut killinnersut paasissutissiissutigineqassasoq ataatsimiititaliamit kissaatigineqarpoq.

11. Suliassaqarfik 62 - 66 Inuussutissarsiornermut, Aatsitassarsiornermut Suliffeqarnermullu Naalakkersuisoq

11.1 Konto pingaarneq 64.01.01 Inuussutissarsiornermut, Aatsitassarsiornermut Suliffeqarnermullu Naalakkersuisoqarfik

Aningaasartuutit qaffakkaluttuinnarnerannut tunuliaqutaasoq paasissutissiissutigineqassasoq ataatsimiititaliamit kissaatigineqarpoq.

11.2 Konto pingaarneq 64.01.03 Geologiimut Immikkoortoqarfik

- a. Suliassat nunatsinnut nuunneqarnerat sutigut pitsaaquteqartussatut Naalakkersuisunit naatsorsuutigineqarpa?
- b. Ingerlatsinermik suliata, oqartussaasutut suliarinninneq aammalu nittarsaassineq immikkoortortami, siunnersortinik ikiorserneqarnermut pisinermut aningaasanik annertungaatsiartunik atuereersumi, ataatsimoortinneqarnerat immikkut tunngaveqarpa?
- c. Suliassat nunatsinnut nuunneqartut ilaat suli Namminersorlutik Oqartussat ingerlatseqatigiiffiinit iluaqutaasumik suliarineqarsinnaappat?

11.3 Konto pingaarneq 64.01.04 Piginnaasanik ineriartortitsiviusumik pikkorissarnerit

Piginnaanngorsarluni pikkorissartitsinerit inuussutissarsiornermut suliffeqarnermullu tunngasut aammalu pikkorissarnerit ilinniaqqiffiusut tamarmik konto pingaarnermut ataatsimut ataatsimoortinneqarnissaannut Naalakkersuisut isumaat ataatsimiititaliamit paaserusunneqarpoq.

11.4 Konto pingaarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartoritsineq

- a. Suliataq KANUKOKA-p kommunillu ataqatigiissaarinerisigut ingerlanneqartoq oqaaseqatigiit siullerni takuneqarsinnaavoq. Ataqatigiissaarineq KANUNUPE aamma suleqatigalugu soq ingerlanneqannginnersoq paasissutissiissutigineqassasoq ataatsimiititaliamit kissaatigineqarpoq?
- b. Kommunit missingersuutaanni siunertamut aningaasanik pingaarnersiuisoqarumaartooq Naalakkersuisunit naatsorsuutigineqartoq titarnertaaq siullermi aamma allassimavoq. Tamanna erseqqissarneqassasoq ataatsimiititaliamit kissaatigineqarpoq.

11.5 Konto pingaarneq 64.01.06 Geologiimut pilerisaariner Mullu suliniutit

- a. Suliassat suut qanorlu annertutigisut suleqatinut avataaneersunut isumaqatigiissutigineqarsimanersut paasissutissiissutigineqassasoq ataatsimiititaliamit kissaatigineqarpoq.
- b. Suliassami kisitsisit pillugit naatsorsuineq missingersuutitut ilanngussamut ilannguteqqullugu Naalakkersuisut ataatsimiititaliamit qinnuigineqarput. Allannguutissatut siunnersuutissaq qilanaarineqarpoq.

11.6 Konto pingaarneq 64.10.06 Taarsigassarsianut qularnaveeqqusiissutit akilerneqarneri

Akiliinerit annertuut 2014-imi pinissaat ilimanarluinnartoq missingersuutitut ilanngussami titarner-taami kingullermi allassimavoq. Tamanna erseqqissarneqassasoq ataatsimiititaliamit kissaatigineqarpoq.

11.7 Konto pingaarneq 64.10.25 Aluminiumik aatsitsiviliornissamik suliniut

- a. Suliassami kisitsisini allassimasut isumaqanngillat. Aningaasaliissutit 9 mio. kr.-iusut qanoq tunngaveqarnerisut suliassami kisitsisini AIS 2014-imi takutinneqartussaavoq. Taamaatumillu suliassami kisitsisit immikkoornerisut, piffissap ingerlanerani ingerlatat ineriartorsimanerannik takutitsisinnaasut, ilannguteqqullugit Naalakkersuisut ataatsimiititaliamit qinnuigineqarput. Nalinginnaasumik suliassami kisitsisit koruunit pinnagit annertussutisnilli allanik imaqartarput. Allannguutissatut siunnersuutissaq qilanaarineqarpoq.
- b. Siliniutip killiffiata naatsumik paasissutissiissutigineqarnissaa ataatsimiititaliamit qinnutigineqarpoq.

11.8 Konto pingaarneq 64.13.23 Piareersarfiit

- a. Naammaginatsumik angusaqarfiusumik AEU-mik naammassinnittut procentii aammalu misiliutaasumik soraarummeernertalimmik atuartitsineq nalunaarusiarineqartarpa.
- b. AEU-mik aammalu misiliutaasumik soraarummeernertalimmik atuartitsinermik naammassinnittut qassit ingerlaqqittarnersut nalunaarusiarineqartarpa?

11.9 Konto pingaarneq 64.13.25 Suliffissaaleqisunut immikkut ittumik iliuuseqarneq

- a. Kommunit 10 mio. kr.-it missaannik aningaasaleqataanissaat naatsorsuutigineqartoq titarner-taam siullermi allassimavoq. Tamatumunnga Naalakkersuisut naatsorsuutigisaat itisileneqassasut ataatsimiititaliamit kissaatigineqarpoq.
- b. Ingerlatassat taaneqartut tamarmik Piareersarfiup ataani ingerlanneqalersaarnersut paasissutissiissutigineqassasoq ataatsimiititaliamit kissaatigineqarpoq?
- c. Kiisalu suliassami kisitsisit skemanngorlugit ilanngunneqarnissaat ataatsimiititaliamit Naalakkersuisunut qinnutigineqarpoq. Allannguutissatut siunnersuutissaq qilanaarineqarpoq.

11.10 Konto pingaarneq 66.01.03 Aatsitassanik Aqutsisoqarfik – Isertitatigut matussusikkanik suliat

Suliassat isertitaqarfiusussat pillugit Naalakkersuisunit qanoq naatsorsuuteqarpa?

11.11 Konto pingaarneq 66.01.05 Pisortatigoortumik suliarinninnerit isertitatigut matussusikkat

- a. Siunnersortit immikkut annertuumik paasisimasallit nunanit tamalaaneersut atorneqartut titarnertaat arfineq aappaanni allaassimavoq. Taakku kikkuuppat?
- b. Missingersuutitut ilanngussaq paasiuminarnersooq ataatsimiititaliamit kissaatigineqarpoq; assersuutigalugu aningaasartuutit isertitallu assigiinngitsut suliasami kisitsisini immikkoortiterlugit. Aningaasaqarnermut Ataatsimiititaliap eqqaamasat malillugit paasissutissiissutigineqarnissaa siusinnerusukkut qinnutiginikuuaa. Allannguutissatut siunnersuutissaq qilanaarineqarpoq.
- c. Aatsitassarsiornermi sulisorisat aatsitassarsiortunit aningaasalersorneqartut qanoq isertitatut nalunaarneqartarpat?

12. Suliassaqarfik 70 – 77 Ineqarnermut, Pinngortitamut Avatangiisinullu Naalakkersuisoq

12.1 Konto pingaarneq 70.01.01 Ineqarnermut, Pinngortitamut Avatangiisinullu Naalakkersuisoqarfik

Konto pingarnermi uani aningaasaliissutit 18,963 mio. kr.-inik ikilineqarsimasut qup. 479-imi allassimavoq. Tamanna kukkunerua?

12.2 Konto pingaarneq 70.01.04 Sanaartornermi aqutsineq suliniutinullu aningaasartuutit

Pilersaarusiornerup nukittorsarneqarnera sanaartugassanut pilersaarutini aningaasaliisarnermi piffissaliisarnermilu tulleriarisarneqarnerup pitsaanerusumik ataqatigiissarneqartarnissaanik nassataqassasoq titarnertaat pingajuanni allassimavoq. Tamatuma itisilerneqarnissaa ataatsimiititaliamit kissaatigineqarpoq.

12.3 Konto pingaarneq 70.01.07 Sanaartornermi oqartussaassuseq

Sanaartukkat nutaat qassit ukiuni kingullerni tallimani pitsaanngitsumik aqutsivigineqarnermik ajornartorsiuteqarsimanersut paasissutissiissutigeqqullugu Naalakkersuisut qinnuigineqarput.

12.4 Konto pingaarneq 70.10.03 Sillimasiinerit

- a. Suliassat konto pingarnermut matumunnga tunngasut suleqatigisamit avataaneersumit suliamik ilinniagalimmit isumagineqarsinnaappat?
- b. Ajutoornissanut pinaveersaartitsisinnaasunik suli suliniuteqartoqartoq titarnertaat tallimaanni allassimavoq. Tamatuma itisilerneqarnissaa ataatsimiititaliamit kissaatigineqarpoq.

12.5 Konto pingaarneq 72.06.51 Inissianik tunisineq – ilanngaaseereerluni tunniussineq

Aningaasaliissutit ikilinnissat missingersuutigineqarpoq, suliassamili kisitsisit allanngoratik – tamatumunnga suna pissutaava?

12.6 Konto pingaarneq 72.10.17 Inissiat normuinit akiisarneq

Sulisunut inissiat amerleriarnerat imaluunniit immikkoortortat inissianut ataasiakkaanut akiliutaat

isertitaqarnerussutissat qaffariarnerannut pissutaappat?

12.7 Konto pingaarneq 77.01.03 Pinnngortitaq Avatangiisillu

Aningaasaliissutigineqartut konto pingaarnermit 70.01.01-imit, Ineqarnermut, Pinnngortitamut Avatangiisinullu Naalakkersuisoqarfimmit, nuunneqartut titarnertaat kingullianni allassimavoq. Konto pingaarneq 70.01.01 9 mio. kr.-erluinnarnik ikilineqartoq aammalu kontomit tassannga konto pingaarnermut allanut aningaasanik nuussisoqartoq eqqarsaatigigaanni konto pingaarnermi matumani aningaasaliissutit taamaannerat ataatsimiititaliamit eqqumiigineqarpoq. Tamatuma itisilerneqarnissaa ataatsimiititaliamit kissaatigineqarpoq.

12.8 Konto pingaarneq 77.05.01 Mingutsaaliunermut atortulersuutit

Suliassat ilangaatsiarsui tassaasut qulaajaanit misissuinerillu suliassami kisitsisinit takuneqarsinnaavoq. Qulaajaanit misissuinerillu atorneqarsinnaasunik qanoq kinguneqarsimappat?

12.9 Konto pingaarneq 77.05.03 Avatangiisit, uuliaarluernernik akiuinermit atortunik pisinermut tapiissutit

- a. Atortulersuutitut Cairnimeersunut tunngatillugu ataqatigiissaarinnissaq qanoq qulakkeerneqassava? Uuliaarluertoqarnerata akiorneqarnissaanut atortulersuutit sillimmasiisinnanermut apeqqut eqqarsaatigalugu nutaanngippallaalersinnaanerata Nalakkersuisunit qanoq qulakkeeriniffiginiarneqarsimava?
- b. Atortut siunertamut atorneqarsinnaanngippata, tamanna Namminersorlutik Oqartussanut qanoq kinguneqassava?
- c. Uuliaarluertoqarnerata akiorneqarnissaanut atortulersuutit Cairnimeersut Aatsitassarsiornermi Aningaasaateqarfik pillugu inatsit naapertorlugu aatsitassarsiornermi isertitatut ilaatinneqarnissaat aammalu tamanna tunngavigalugu Aatsitassarsiornermi Aningaasaateqarfik atuutilersinneqassasoq Naalakkersuisunit eqqornerarneqarsinnaava?

12.10 Konto pingaarneq 77.05.05 Igitassanik tigooraaveqarfinnik aamma eqqakkat pilerfii aallavigalugit immikkoortiterisarnernut tapiissutit

- a. Aningaasaliissutit ikineqarnerannut suna tunuliaqutaava?
- b. Konto pingaarnermi matumani aningaasaliussanut sanilliullugu eqqagassalerinermit pilersaarut sumut killippa?
- c. Eqqagassalerinerup ullutsinnut naleqquttup pilersinnissaanut aningasartuutit aningaasanut inatsisit aqcutigalugu akilerneqarnissaa Naalakkersuisunit qanoq isumaqarfigineqarpa?

13. Suliassaqarfik 80-89 Ineqarnermut, Pinnngortitamut Avatangiisinullu Naalakkersuisoq – Sanaartornermut tunngasut

13.1 Konto pingaarneq 82.20.02 Pisariilisaaneq-suliniutit, ERP

- a. Aningaasaliissutit 2014-imi taama malunnaateqartigisumik ikilineqarnerannut suna tunngaviua?
- b. Atortorissaarutissaq qaqugu atuutilersussatut naatsorsuutigineqarpa sumullu killippa?

13.2 Konto pingaarneq 82.30.12 Utoqqaat angerlarsimaffii

- a. 2014-imi ukiunilu missingersuusiorfinni aningaasaliissutit taama malunnaateqartigisumik ikineqarnerannut suna tunngaviua?
- b. Inerisaanissamut pilersaarut kommunit kissaataannut naapertuuppa?

13.3 Konto pingaarneq 84.40.10 Kommunini atuarfiit

Iluarsartuussinnermut Namminersorlutik Oqartussat ullumikkut isumaginnittuunerannut atuarfiit iluarsartuunneqarnermikkut aserfallatsaaliorneqarnermikkullu nuussinerup nalaani kinguaattooq-qaffiunerat aammalu atuarfitsialaap atuutilersinneqarneranut atatillugu atuarfiit illutaannut piusaqaatit allanngornerat annertunerulernerallu pissutaasoq titarnertaami siullermi allassimavoq.

- a. Atuarfiit sorliit iluarsanneqarnerat Namminersorlutik Oqartussanit suli isumagineqarnerasoq aammalu atuarfimmuut tunngasut kommunit suliassaqaqfigineqarneranik aalajangersagaq naapertorlugu atuarfiit qassit kommunit tiguneqarsimanersut pillugit nassuiaat naatsoq ataatsimiititaliamit kissaatigineqarpoq.
- b. Iluarsaassinerit Namminersorlutik Oqartussanit qaqugu isumagineqarunnaarnissaat Naalakkersuisunit naatsorsuutigineqarpa?
- c. Kommunit kissaataat aammalu aningaasaliissutigineqartut tamakkiisumik imminnut naapertuunnersut paasisutissiissutigineqassasoq ataatsimiititaliamit kissaatigineqarpoq.

13.4 Konto pingaarneq 84.40.15 Ilinniartut inaannik sanaartorneq

- a. Aningaasaliissutit 2014-imi taama malunnaateqartigisumik ikilineqarnerannut suna tunngaviua?
- b. Ilinniartunut inissiani inissaqannginnertik pissutigalugu ilinniartut qassit ukioq manna ilinniarnerminnik aallartitsisimangillat aammalu ukiumut atuarfusumut tullermut Naalakkersuisut qanoq naatsorsuutiginnippat?

13.5 Konto pingaarneq 84.40.16 Kultureqarnermut sanaartukkat

KNR-ip illussaata nutaassap tusagassiuuteqarfittut imaluunniit kulturikkut siunertanut allanut aamma atorneqarsinnaasunngorlugu siunissaq eqqarsaatigalugu qulakkeerneqarnissaa Naalakkersuisut isumaliutigisimavaat?

13.6 Konto pingaarneq 87.00.88 Nunaqarfinni isorliunerusunilu sanaartortitsinissamut pilersaarut

Konto pingaarneq una qanoq periarfissiinersoq pillugu paasisitsiniaanissat pisariaqartut Naalakkersuisunit ingerlanneqarpat?


Naalakkersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutinut siuliani allassimasunut akissutigisamik siornagut apeqqutit oqaaseqaatillu akissuteqarfigineqartut Naalakkersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut **kingusinnerpaamik tallimanngornermi ulloq 27. september 2013, nal. 12.00** Aningaasaqarnermut Ataatsimiititaliamit tiguneqareersimasussanngorlugu **kalaallisut danskisullu kiisalu elektroniskimik** sakkak@inatsisartut.gl -imut nassiateqquneqarpoq.

Akissutit Aningaasaqarnermut Naalakkersuisoqarfimmut nassinneqassapput, tassani akissutit katersorneqassapput apeqqutillu tamarmik tamakkiisumik akineqarsimanersut misissorneqarlutik tamatumalu kingorna akissut Aningaasaqarnermut Ataatsimiititaliamut nassiunneqarluni.

Allakkiaq una aamma elektroniskimik oedfu@nanoq.gl-imut nassiunneqarpoq.

Inussiarnersumik inuulluaqqusillunga



Finn Karlsen
Aningaasaqarnermut Ataatsimiititaliap siulittaasua